

Na osnovu članka IV. 4.a) Ustava Bosne i Hercegovine, Parlamentarna skupština Bosne i Hercegovine na \_\_. sjednici Zastupničkog doma održanoj \_\_\_\_\_ 2009. godine i na \_\_. sjednici Doma naroda, održanoj \_\_\_\_\_ 2009. godine, usvojila je

## **ZAKON O DOPUNI ZAKONA O OSNOVAMA SIGURNOSTI SAOBRAĆAJA NA CESTAMA U BOSNI I HERCEGOVINI**

### **Članak 1.**

U Zakonu o osnovama sigurnosti saobraćaja na cestama u Bosni i Hercegovini („Službeni glasnik BiH“ broj: 6/06 75/06 i 44/06) iza članka 126. dodaje se novi član 126a. koji glasi:

„126a.

(1) Izuzetno od odredbe članka 126. stavak (5) službena vozila Parlamentarne skupštine BiH kada se njima koristi neko od članova kolegija oba doma Parlamentarne skupštine BiH, službena vozila Predsjedništva BiH kada se njima koristi neko od članova Predsjedništva BiH, službena vozila Vijeća ministara BiH kada se njima koristi predsjedatelj ili zamjenici predsjedatelja Vijeća ministara BiH, smiju upotrebljavati uređaje za davanje posebnih svjetlosnih i zvučnih znakova i bez pratnje policije ili vojnih osoba.

(2) Vozila iz stavka (1) ovog članka imaju prvenstvo prolaza u odnosu na sva druga vozila osim vozila pod pratnjom (član 125. stav (1)) i vozila iz članka 126. stavak (1) i (3).“

### **Članak 2.**

Ovaj Zakon stupa na snagu osmog dana od dana objavljivanja u „Službenom glasniku BiH“.

PSBiH broj \_\_\_\_\_ / \_\_\_\_\_

Sarajevo

Predsjedatelj  
Zastupničkog doma  
Parlamentarne skupštine BiH  
Beriz Belkić

Predsjedatelj  
Doma naroda  
Parlamentarne skupštine BiH  
Ilija Filipović

## *O b r a z l o ž e n j e*

### **I USTAVNOPRAVNI TEMELJ**

Ustavni temelj za donošenje ovog zakona sadržan je u članku IV/4 Ustava BiH. On je nesporan, jer se radi o izmjenama i dopunama postojećeg Zakona o osnovama sigurnosti saobraćaja na cestama u Bosni i Hercegovini.

### **II RAZLOZI ZA DONOŠENJE**

Nosiocima najviših državnih funkcija čak i u slučajevima kada ne koriste policijsku pratnju, treba omogućiti ubrzano kretanje u saobraćaju kroz mogućnost uporabe zvučnih i svjetlosnih uređaja, zbog značaja funkcije i poslova koji obavljaju.

### **III OBRAZLOŽENJE PONUĐENIH RJEŠENJA**

Ovim izmjenama postojećeg Zakona o osnovama sigurnosti saobraćaja na putevima u Bosni i Hercegovini predviđa se da se vozilima Parlamentarne skupštine BiH, Predsjedništva BiH i Vijeća ministara BiH, kada se njima koristi neko od članova kolegija oba doma Parlamentarne skupštine BiH, članova Predsjedništva BiH, predsjedatelj Vijeća ministara BiH ili neko od njegovih zamjenika, dozvoli uporaba uređaja za davanje posebnih svjetlosnih i zvučnih znakova i bez pratnje policije ili vojnih osoba, te se predviđa pravo prvenstva prolaza u odnosu na sva druga vozila osim vozila pod pratnjom, vozila službe hitne pomoći, vatrogasnih vozila, policije, sudbene policije, vojnih vozila i vozila Državne granične službe.

### **IV FINACIJSKA SREDSTVA**

Za provođenje ovog zakona nije potrebno obezbijediti dodatna finacijska sredstva u proračunu institucija Bosne i Hercegovine.